



Inatsisartunut Ilaasortaq Anthon Frederiksen, Partii Naleraq
/MAANI

Anorersuarnikkut ajoqusernertut atatillugu pisortanit ikiorsiisoqarsinnaanersoq pillugu
§ 37 apeqqummut akissuteqaat

08-01-2015
Suliap normua 2015-109378
All. nr. 1814243

Inatsisartut suleriaasianni § 37, imm. 1 naapertorlugu Naalakkersuisunut apeqquteqarsi-
mavutit anorersuarnikkut ajoqusernertut atatillugu pisortanit ikiorsiisoqarsinnaaneranik
periarfissaqarnersoq pillugu. Apeqqutigineqartut uannut
akisassanngortinneqarsimapput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

1. Aalisartut piniartullu anorersuarnerata kingunerisaanik umiatsiaar-
sertut pisortaniit ikiorneqarnissaminnik qanoq periarfissaqarpat?

Akissut:

Aalajangersimasunut atatillugu pisortanit ikiorserneqarsinnaanermik periarfissani pine-
qarput inuussutissarsiornerup tunngavianik pilersitseqqinniarnertut ikiorsiisinnaanermut
periarfissaq, kiisalu pilersuinertertut ikiorsiisinnaanermut periarfissaq. Kingullermik taane-
qartumut tunngatillugu, immikkoortumit taassuminnga akissuteqarneq Ilaqutariinnertertut,
Naligiissitaanermut Isumaginninnertertullu Tunngasutigut Naalakkersuisumit, Martha
Lund Olsen-imit ataqatigiissaarneqarpoq.

Inuussutissarsiornermi toqqammaviup pilersitseqqinniarnertut pisortanit ikiorserne-
qartarneq eqqarsaatigalugu:

Aallarteqqinnissamut tapiissuteqartarneq

Siullermik aalisartut piniartullu taparserneqarnissamik qinnuteqarnissamut periarfis-
saqarput Inuussutissarsiuutigalugu aalisartut, piniartut inuussutissarsiuutigalugu nuna-
lerinermik ingerlataqartut aallarteqqinnissamut tapiiffigineqartarnerat pillugu inatsisartut
inatsisaat nr. 3, 21. maj 2004-meersoq naapertorlugu. Inatsimmi § 1, imm. 1 naapertor-
lugu taparserneqarnissamik pingaarnertut malittarisassaq unaavoq Inuussutissar-
siutigalugu aalisartunut, piniartunullu inuussutissarsiuutigalugu nunalerinermik ingerla-
taqartunut pigisat ajoquserneratigut, inuussutissarsiornermi sakkugisat tammarnertigut
imaluunniit napparsimanikkut imaluunniit allatut timikkut ajoquserluni sulisinnaajunnaar-
nikkut inuussutissarsiuutiminnut tunngatillugu annaasaqarsimasunut tapiissuteqartoqar-
sinnaanera. Pissutsini immikkut ittuni inunnut § 1, imm. 2-imi taaneqartunut silaannaap
pissusiata kingunerisaanik, inuussutissarsiornermik nalinginnaasumik ajornartoornikkut
assigisaasigulluunniit annaasanut aamma Naalakkersuisut aallarteqqinnissamut tapiis-
suteqarsinnaapput. "Pissutsini immikkut ittuni" imatut paasineqassaaq pisumi aalaja-
ngersimasumik immikkorluinnaq pisoqarsimassasoq.

Aallarteqqinnissamut tapiissutit tunniunneqarnissaannut patsisissanngortinneqarsin-
naavoq annaasaqarneq sillimmasersimanertertut matussuserneqareersimassanngitsoq

imaluunniit matussuserneqarsinnaanissaanut periarfissaqarsimanngitsoq, inatsimmi § 2 naapertorlugu.

Aallaavioq unaavoq aallarteqqinnissamut tapiissutit ataasiaannartumik tunniunneqartartut aningaasaliiffiqineqartarmata ikinnerpaanik 2.000 kroninik amerlanerpaanillu 25.000 kroninik, takuuk § 4 imm. 1. Tapiissuteqarnermi aningaasat sorliit tunniunneqarsinnaanerini, suliame aalajangersimasumi pissutsit qanoq ittuunerisa aalajangertarpaat. Pisuni immikkut ittuni imm. 1-mi taaneqartunit amerlanerusunik aningaasanik tunniussisoqarsinnaavoq, takuuk § 4, imm. 2. "Pisuni immikkut ittuni" imatut paasineqassaaq pisumi aalajangersimasumik immikkorluinnaq pisoqarsimassasoq.

Aallarteqqinnissamut tapiissutitut aningaasaliissutitut sinaakkusiussat aningaasanut inatsikkut aalajangersarneqartarput. Qinnuteqartumut taamaallaat tapiissutinik aningaasaliisoqarsinnaavoq aningaasaliissutitut sinaakkutani taakkunani atorineqarsimanngitsunik aningaasassaqtitsisoqarpat. Siunertamut uunga piunasaqaataavoq qinnuteqaammik nassiussisoqarnissaa.

Inuussutissarsiornermik siuarsaaneq:

Aappaattut aalisartut piniartullu tapiiffiqineqarnissamut qinnuteqarnissamik periarfissaqarput Aalisarnermik piniarnermillu inuussutissarsiutillit inuussutissarsiornerannik siuarsaaneq pillugu Inatsisartut inatsisaat nr. 13, 3. december 2012-imeersoq naapertorlugu. Inuussutissarsiutigalugu nutaamik sanaamik umiatsiaararsiniarnermut inatsit manna naapertorlugu tapiissuteqartoqarsinnaavoq inuussutissarsiutigalugu umiatsiaararsiaasaq tankeqarpat umiatsiaaqqamut atavissumik aammalu motorilimmik aamma isumannaallisaanermut atortulimmik, minnerpaamik isikkanik 16-inik annerpaamillu isikkanik 19-inik takissuseqarpat aammalu Kalaallit Nunaanni inuussutissarsiutigalugu umiatsiaarassatut akuerisaasimappat. Motoriata annertussussissaa annerpaamik 115 HK-jussaaq.

Inatsimmi § 5, imm. 2 naapertorlugu tapiissutit tunniunniunneqartassapput ukiumi qinnuteqarfiusumi qinnuteqaatigineqartut tulleriariffiqineqarnerisigut aamma tulleriarnermi qinnuteqarfigineqartumi aalisarnerup annertussusiata pingaaruteqarnera isiginiarneqassaaq.

Tapiissutinik pissarsisinnaajummalluni qinnuteqaateqartoq 18-it aamma 65-it akornanni ukioqassaaq, kiisalu pineqartoq piffissaq qinnuteqarfiusooq ukiunik marlunnik sioqullugu inuussutissarsiutigalugu piniartutut aamma inuussutissarsiutigalugu aalisartutut nalunaarsorneqarsimassalluni, takuuk inatsimmi § 6.

Qinnuteqartoq siusinnerusukkut tapiiffiqineqarsimappat, inatsimmi § 9 naapertorlugu pineqartoq aatsaat tapiiffiqineqaaqqissinnaavoq siullermik tapiiffigitinnerup kingorna ukiut 12-it qaangiunnerini. Taamaattorli inatsimmi § 10 naapertorlugu, inuussutissarsiutigalugu umiatsiaaqqamik nutaamik pissarsinissamut tapiiffiqineqarsinnaassaaq, umiatsiaaraq kivisoornikkut, tamakkiisumik ajoqusernikkut imaluunniit sillimmasiisarfimmit allatut matussuserneqarsimasumik pisumik annaaneqarsimappat, umiatsiaaraq annaaneqartoq pissusissamisoortumik sillimmaserneqarsimappat, aammalu sillimmasiinnikkut taarsiissutaasoq, tamakkiisumik umiatsiaaqqamik nutaamik pisinermut aningaasartaat atorineqassappata.

Inuussutissarsiutigalugu umiatsiaaqqamik pisinermi umiatsiaaqqap pisiarinerani akiata 75 %-ianik tapiissuteqartoqarsinnaavoq. Qinnuteqaateqartorli Qaanaap pigisaani,

Ammassaliup pigisaani Ittoqqortoormiullu pigisaani aalajangersimasumik najugaqarpat umiatsiaaqqap pisiarinerani akiata 84 %-ianik tapiissuteqartoqarsinnaavoq, takuuk inatsimmi § 5, imm 3.

Inuussutissarsiutinik siuarsaanermi umiatsiaaqqanut aningaasaliissuteqarnissamut sinaakkusiat aningaasanut inatsisikkut aalajangersarneqartarput. Qinnuteqartumut taamaallaat tapiissutinik aningaasaliisoqarsinnaavoq aningaasaliissutinut sinaakkutani taakkunani atorineqarsimannngitsunik aningaasassaqaartitsisoqarpat.

Kangaatsiap eqqaani pigisat ajoqusernerat anorersuarnerup kinguneratigut pillugit Naalackersuisoqarfiup qinnuteqaatinik tigusaaqarnikuuvoq. Suliassat taakku inatsisip iluani malittarisassat naapertorlugit suliarineqarumaarput.

Pilersuisuunissamut pisortanit ikiorsiissuteqartarneq eqqarsaatigalugu:

Pisortanit ikiorsiissutinut tunniussisoqarsinnaanersoq tamanna Pisortanit ikiorsiissutit pillugit Inatsisartut peqqussutaanni nr. 15, 20. november 2006-imeersumit aqunneqarpoq. Innuttaasut allat assigalugit aalisartut piniartullu tassanngaannartumik pisariaqavissumik pissaaleqilernerme imaluunniit pilersuisuunissamut pisortanit ikiorsiissutinut qinnuteqaateqarsinnaapput aamma aalajangersimasunik aningaasartuutinik kiisalu aningaasartuutinik ataasiakkaanik, piumasaqaatit aalajangersimasut eqquutsinneqarsimappata akiliunneqarsinnaallutik.

Pilersuisuunissamut aamma aalajangersimasunik aningaasartuutinut kiisalu ataasiannartumik aningaasartuutinut pisortanit ikiorsiissutinik pissarsisinnaassagaanni peqqussummi § 8, imm. 1 nr. 1 naapertorlugu piumasaqaataavoq, qinnuteqartoq "(...)suliffissaqanngikkuni suliffissaminillu naammaginartumik neqeroorfigineqarsimannngikkuni pimoorullugulu suliassarsiortuunngikkuni, (...)." Pisortanit ikiorsiissutit tunniunneqartarnerat pillugu, iliuusissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaat nr. 4, 15. marts 2007-imeersumi piumasaqaat taanna itisilerneqarsimavoq imaasillugu tassalu tigusisussaq suliffeqarnermut piareersimassalluni. Tamatuma saniatigut nalunaarummi § 3, imm. 1 naapertorlugu piumasaqaataavoq qinnuteqartoq suliffissarsiortuussasoq, tassalu suliffissarsiuussisarfimmut nalunaarsimassasoq, nalunaarummi § 3, imm. 2 naapertorlugu, kiisalu qinnuteqartup pisartagallillu sulilersitaasinnaanissamut naammaginartumik neqeroorummik akuersaarinnissasoq, takuuk nalunaarummi § 3, imm. 3. Tamatuma saniatigut piumasaqaataavoq qinnuteqartut pisartagaqartulluunniit, ullormik ataatsimik siumoorumik nalunaarfigineqarlutik suliffimmik tigusisinnaassasut sulilersitaasinnaanermillu neqeroorut atorlugu aallartissinnaassallutik, takuuk nalunaarummi § 4, imm. 1.

Piareersimanissamilli piumasaqaat atuutinngilaq pisuni imaattuni, tassani qinnuteqartoq sulisinnaanngitsutut nalilerneqarsimalluni imaluunniit qinnuteqartoq napparsimanini qitornartaarniluunniit pissutigalugit suliffeqarnermut piareersimasuunani, takuuk Inatsisartut peqqussutaanni § 8, imm. 1, nr. 2 aamma nr. 3.

Pisortanit pilersorneqarnermut ikiorsiissutinik pissarsisinnaanermut periarfissaq pillugu nassuiaammi naatsorsuutigineqarpoq, pisortanit ikiorsiissutinut pisartagallit piumasaqaatit sinnerinik naammassinnissimassasut, Pisortanit ikiorsiissutit pillugit Inatsisartut peqqussutaanni nr. 15, 20. november 2006-imeersummi kingusinnerusukkut allanngortinneqarsimasumi kapitel 2 aamma 3-mi piumasaqaatigineqartunik.

Inussiarnersumik inuulluaqqusillunga

Karl-Kristian Kruse